

四庫全書

集部

欽定四庫全書

十五家詞卷二十二

休寧孫默編

鄒祇謨麗農詞上

憶十年并鄒子程邨遊廣陵與余定交于謝太傅之
法雲寺庭樹婆娑相對促膝酒餘示我詩餘一編見
其寄情綿邈致詞清揚令人想見風簾霜幕素蟾初
霽玉杯醺醺纖手破橙橘香濃時也庚子秋鄒子復
遊廣陵則高車駟馬已屬長卿得意後然不減昔年

布衣豪宕與余步出西郊登歐陽平山眺望訪螢苑
鷄臺九曲池玉鉤斜故址憩旗亭小飲亭有當壚妓
命歌蕭竹屋蝶戀花詞記得來時買酒朱橋畔遠樹
平蕪空目斷亂山惟見斜陽半之句鄒子悵然者久
之因就奚囊中復出詩餘示余已梓成帙矣而屬余
序之夫李白詩文光燄萬丈當其坐七寶牀御手調
羹玉妃捧硯所作清平調三首遂為詩餘首唱今鄒
子以冠絕人天之才凡所為不朽盛事無不凌轡今

醉太平

春心

紅樓紫簫紅潮畫橋鈿箏十二嬌饒起東風並驕鳥
中六曹花間一樵教他百舌休嘲任春心捲蕉

柳枝 第二體

本意

風中欲笑雨中啼慣分離橋邊攜手傍香堤暮春時
十四紅樓留不住雕鞍去柳枝搖曳勝楊枝綰青絲

醉花間

相見

憶相見羞相見相見重相怨潮暈透輕紅窈窕遮紈扇
細雨威蟻蟬佯羞安翠鈿喚住卓金車再認春風面
浣溪紗

去年此夜

醉唱新詞付小紅去年此夜月明中吹簫脉脉傍簾櫳
腸斷不堪成九曲心灰難與疊千重笑啼花事聽東

風

有寄

花片飛殘逐水流，却煩燕嘴作來郵。
雕梁猶憶舊巢不，珍重兩心單有夢。
依稀數語，但言愁鴛鴦小，結在心頭。

菩薩蠻

詠青溪遺事畫冊和阮亭韻

乍遇

東風無力嬌慵起，梨花開謝桃花裏。
繡得六銖衣，新黃

蛺蝶飛

花前初瞥見斜掩迴瓊扇何日嫁文鴛言歡

節節雙

瓊扇門扇也袁宏詩幌耀瓊扇古樂府皎皎白紵節節為雙

又
奕碁

疎簾密簾紅蕉吐秦娥十六調鸚鵡長晝對挑碁猶噉

布算遲

香閨儂國手勝負憑檀口繡領撚花兒拋殘

玉子時

沈約詩紫綵牽風子結縷生花兒

又
私語

黃金合裏開紅雪青綵扇底迴珠月楚楚更娟娟鬟多

半蟬肩 碧窗都未倦 壓損湘裙 茜底事怕傳聞 花繁

好避人

首句用王建宮詞李長吉詩十八葉多無氣力

又 迷藏

朱樓十二闌干近 蜻蜓翼薄撩蟬鬢 石畔好潛藏 苔陰

繡雀涼 誰人花底邏 却向薔薇躲 簌簌動南枝 紅潮

露一絲

蜻蜓翼
簾也

又 彈琴

香燒心字安銀葉 灰溫火慢烟微 麝焦尾對花彈 秋聲

應指寒 同心金鳳串莫作離鸞怨夢峽與啼湘惜惜

一夜長

一作楚弄長 白樂天詩寡鶴當微怨秋聲應指長唐樂府夢峽啼湘串釧同李義山詩瑤琴

惜惜藏

楚弄

又讀書

紗窗風颭蕭蕭竹金鵝屏裏抽書讀綠簡最牽人佯呼
錯應頻 菱花剛對面影瞥雙紈扇繡案尚低頭沉吟
卒未休

又潛窺

梅花隔院傳香雪，蘭芽吐砌流芬月。撲朔逐雄雌，蕭娘映柱窺。
犀簾長下慣，那解郎偷看。微動眼波潮，回身

胃翠翹

一作飲笑眼生潮，佯呼小綠翹。因國中有白兔用木蘭詩雌兔脚撲朔語

又 秘戲

蘭缸照出梭兒玉，流蘇閒挂笙囊綠。斗帳卸鉤垂，淺怜
深惜時。螺鋪交屈戌，儘著郎詳覷。扇扇鏡屏中，鶯啼
花雨紅。

李義山詩綠繡笙囊不見人。唐夫游詞一梭兒玉一綢雲著音着

減字木蘭花

寄書

畫橋分手鵲腦雙傾藍尾酒淚洒鮫珠斟酌來朝欲寄
書雪爐焚怨粉魂不覺當風捲鳳嬾龍嬌閒却床頭
紫玉簫

夏閨

桃笙如水蓮葉飄香浮細蕊紅玉如脂汗點輕羅帶淚
絲輕紈微扇素手慵拈纖影顫閒數流螢却下空堦
到小庭

羅敷媚

代贈

枇杷花裏櫻桃樹待掃雙眉罷掃雙眉那許春風仔細
知花朝纔過教人懶欲度腰肢莫度腰肢最怕新歡
倚鏡時

柳含烟

第一體

本意

長堤外水生烟染就淡黃細雨風流張緒正當年畫樓

前 高低襯得春山碧一道紅衫明滅濛濛中酒草粘
天好題箋

華清引

晏起

重重珠幙護窗紗春思方佳一種嬌慵如夢微聞鶯語
譁 丁香輕掩扣微差綠雲半側堆鴉枕痕紅暈重不
敢見菱花

清平樂

答索琴

琮琤寒玉清調隨秋竹舊時慣弄求凰曲莫把朝飛輕
續一彈明月輕紗再彈夜雨梨花莫使高山流水三
分撓入琵琶

一落索

挑燈坐

可怪燈花不省却把蘭膏光凝重新剔去舊燈花照出
雙單影絳蠟已心灰獨向銀缸等待翻鍼帖認紅絲

淚落鴛鴦冷

更漏子

答索香

博山寒沉水歇香在梅水樹隙熏豈蕊解羅襦親承薌
澤餘綠紗深銀葉剪莫漏檀心一點藏犀盒貯紅箱
須留待粉郎

荊州亭

醉美人

嬌重偏憎小婢髮
躡故梳時髻倒暈
鏡流紅重上桃花
粉膩蟹眼珠泉響
細驚帳玉山人起
一吸便驕郎可解
櫻桃至味

海棠春

閨詞和阮亭韻

曉妝

蘭風悄恍飄清響
綠池畔茱萸金網
翠滑寶簪鬆影落
湘波漾靈蛇髻綰
隨新樣惱嬌慵不
尋清賞綃帳起來
寒又怕雲屏敞

唐詩金輅茱萸網甄后窗前有
靈蛇盤結日作一結因做爲之

又 午睡

閒堦踏遍憐華足，偏懊惱春愁成曲簇。
簌簌欵桃笙，展向

蛩毫褥。

隔牆唱徹絲和肉，殘夢斷琮琤寒玉。
慢捲繡

簾聽孤悶吹豪竹。

卡蘭賦振華足以却踊李商隱有春愁曲東方朔外傳以百蛩之毫織為

褥縹而且冷夏間舒之名景毫水藻之豪杜詩哀絲肉竹

又 晚浴

銀床月起迴孤影，撇團扇宿醒初醒。
珠露浴薔薇光燭，流螢冷。
晚妝怯向菱花鏡，欵髮鬢金釵慵整。
殘粉較

何郎香汗消湯餅

李賀詩妝成鬢髻欹不斜何晏潔白或疑其傅粉以湯餅試之愈拭愈白

又夜坐

藥欄鎮日拋紅雨清耿耿翠梭鴛杵舊憶兩凭肩夜夜

傳私語待尋好夢郎邊去轉玉繩星底河鼓斂罷水

沉香冷落松枝塵

王勃七夕賦翠梭鴛杵南史張機有松枝塵尾

山花子

春愁

澹日春烟花信宜紅雲到處宵遊絲自是淒涼渾不管

總難支 小雨三更歸夢濕輕烟十里亂愁迷幸有姊
歸能解事未曾啼

極相思

賦得有約不來過夜半

小樓獨對雲屏鳳脰自青青待伊來也溫存錦瑟排待
銀笙 暗笑薄情真箇惜全不聽城上三更偏教看盡

繡窗月上花影分明

鳳脰
燈也

月宮春

綠窗

燈宵纔過又花朝風景惡相撩綠窗何事送無聊閒看

金步搖紅鴨橋頭人寂寂黃姑廟後水遙遙荏苒佳

期不定惱殺木蘭橈

紅鴨橋黃姑廟
俱見吳郡志

惜分飛

第二體

本意

庚寅夏作

人去珠簾花影動依舊南樓月湧人日春寒重
氍毹曾向猊爐擁
翻被鮑娘春信哄望蜀何如得隴沒分香

籌寵兩邊鋤斷鴛鴦塚

又

紫玉化烟千萬縷變作寒窗舊雨鈴閣經相聚數年叨
做居停主却怪淨持原老嫗生得霍王小女一點心

相許子姑乚畔偷眉語

子姑見東坡集

又

雲母屏前紅淚灑繡帕銀環自解締約經三載紫鵝橋
畔曾相待花草他鄉應有在權囑何郎莫採一晌春

風擺落紅滿地深如海

又

憶昔卿來於我館議作吹簫佳伴重訂香幃款數行約
法拈銀管傳語謂郎姑且緩十五盈盈未滿誰料朱
繩短相如鹵莽原無算

又

竹葉同傾飛鵲酸低覩玉兒青眼細辨為儂綰剩將寸
髮調伊嬾蕩子天涯歸已晚輕把同心解散長恨疑

荒誕自編小傳鄒郎撰

又

再浴女蠶難作繭舊日鴛鴦結券春風鶯暗轉畫樓此
夜晶簾捲半面相逢重覩覲孤負芳心繾綣恨被黃
蜂踐情絲應付并州剪

又

翠幃流蘇聲細悄義甲冰絃媚媚門外蕭郎擾鶴簪驚
向犀奩掉金鴨爐中香篆裊翠盎文魚長遶聽說相

思鳥紅潮兩點擅痕小

又

畫梅寫字都閒雅更善彈碁打馬憶去年初夏妮他細
語荼蘼下浪卜瓣香雙鳳瓦誰信金錢盡假風雪偏
瀟灑林逋不遇梅花寡

又

河滿數聲催阿沈拚向蟬窗痛飲分別思香寢並頭閒
看紅蕤枕低訴幾番聲尚噤郎欲歸時寒甚門外殊

霜凜衣郎半臂葡萄錦

衣去聲思香
寢見說郛

又

執手榴屏惟雪涕此後更休相棄鴻便須頻寄延平再
合君牢記短後征衫驅北薊指望珀盃春第不道盧
江吏伯勞飛燕卿夫壻

又

蝴蝶帳邊曾作伴不料朱繩拆斷斜靠屏風畔歛歛執
手重相看荆釵自執樵青爨時向伯鸞相喚留下風

情半剩與做後來公案

又

疊得蓉箋書幾瓣
喚住人人去雁聊慰伊家盼
花髻亂挽聞長嘆
細語蟬簾今不辨
籠裏雪衣分散莫慰加餐飯
半生愁裏逍遙慣

雁字

又

分手柴扉陳數願
一願郎心不變
二願娘身健
今生為妾圖方便
三願雙環常裏絹
四願重投鳳釧
五願頻

相見香車再到迴心院

又

芍藥仍開花步障小閣春愁一晌潛入葡萄帳床頭私
致聲無恙歲歲青陵臺畔望人在靡蕪曲巷再到添
惆悵夕陽芳草間相向

又

畢竟書生真薄命還是佳人薄倖待把山盟訂海棠單
受梅花聘辛苦相攜酬玉鏡漫把雙環投贈芳訊親

教證近來小玉聞多病

又

紫雪脂香光灑灑名繡紅絲作驗銀筇垂垂醺不堪回
首將伊念楊柳章臺愁作塹心比蘭膏更焰應是前
生欠不平莫按神干劍

憶漢月

答索厯

縱使百年膠漆三萬六千時日紅簫翠帳幾多懽又被

閒愁撓越 休把春秋記看無數等閒風月今年寒食
又來過應恨鶯花恍惚

茶瓶兒

小鬟茶話

水味中冷第一喚雙鬟點來新葉正蟹眼魚鉞初歇攪
入蘭花清色 小鬟怯擎杯澁銀瓶作汲阿郎到底相

如渴應罰作王郎水厄

南北史魏人謂南
人飲茶為水厄

瑤池燕

開簾引燕

花絲清艷揄錢賤燕燕近來雙羽差健玉人見舊年紅
線犀簾揜寫蓉箋提起重念無多件煩伊作箇鴻便
郎如面回音若欠郎心變

思遠人

本意和宋晏小山韻

雁字魚函渾未寄腸斷遼西客金鞭微響玉騶空鬧聽
馬蹄得得雨聲偏向芭蕉滴把淚珠和墨學寄畫崔

徽添些紅暈怕黛朱無色

河傳

第一體

小閣留香

一杯酹汝春色何處藥欄深處海棠沉睡紫烟細雨和
夢將伊去 鳥啼偏攪香衾侶無情緒魂共春絲語柳
館鶯來作寓喚雙鬟莫與

醉花陰

重九

西風側側催衣袖涼日猶長
畫把酒贖茱萸休說重陽
瞞過愁時候年年愁到還依舊
人落登高後情願一年中分半
清明一樣平消瘦

憶餘杭

聽新聲垂淚

待把愁推愁未捨慣聽陽關渾不解
搖搖薇帳夢春風
一餉畫屏東綺魂飛度梁州裏
何處淒冷忽提起鴛
尖怕記隴西腔珠袖界殘妝

雨中花 第一體

答索花

二月春光未老枝上紅顏猶好薄命桃花斷腸棠蕊欲
寄疑卿惱 窗外落紅閒不掃留伴膽瓶人悄好向綠
雲邊簪殘置案香氣猶繚繞

上林春令

晏起

輕暖輕寒春仲熨香風紅樓惹夢泥人繡被多情遮翠

幙不教留空 金衣向午爭花閨暈斜紅膩雲綠重風

過日影那移問雙鬟曉寒何重

斜紅繞臉古粧也簡文詩云分粧開淺顰繞臉

傳斜紅

河傳 第六體

春閨

繡幃深處夜深私語襯月銀雲洗花玉雨雨餘遙指青
虹美人虹 沉沉春夢和烟繞相思草留飼相思鳥重
簾垂下博山自熱香魚美人魚

河傳 第七體

宮辭

新銜花史藥欄烟重花枝嬌倚戲拋紅豆打鶯兒笑指
犀奩占喜子影入青銅紅窈窕爐烟繞望斷羊車悄
玉魚涼繡鴛藏宮裝塵生金縷箱

紅窗睡

護花燈

簡點紅缸繚繞香鳧翡翠裏不教花睡非雲非月非霞

處花與燈俱醉 莫被東風容易祟只數點金枝綠萼
夜光相配銀泥雙袖障蘭膏一會

雙調望江南

病述

閒中惱花事恨寥寥狎客羣登青雀舫妖姬家住紫鵝
橋蕭寺獨無聊 閒中好蓬跣任逍遙識字屢呼君子
鶴佐觴猶伴美人蕉一醉任天高

芳草渡

第一體

偶見

朱韎鞞翠筵篴輕艷處十三樓徘徊雁柱自微搗香閣
內繡帳裏不曾愁春如線人似燕恨煞東君作踐薰
寶鴨倚秦箏綠鬟膩紅潮淺越風流

鷓鴣天

遊西曲

彩雲隨處任風飄蓬山不與海南遙紅蕤授枕皆雙粲
紫電投壺每百驍彈月磬奏雲韶天孫帝子盡來朝

袖中碧玉新封事
願築銀河烏鵲橋

虞美人

答索扇

玉奴立向風前倦
自把新團扇上圖
蛺蝶下鴛鴦但願
從今懷袖鎮雙雙
宵來莫把流螢撲
長羅紈輕薄權
教收拾避秦籌不
道許多冷暖到紅
樓

鵲橋仙

第一體

客懷

輕暖輕寒不晴不雨孤負韶光九十落花飛絮兩無情
仗千尺遊絲作合塗抹東西飄零南北從此扁舟一
葉夢回始覺未歸人恨一點窺人明月

河傳

第十三體

調粉餌餵金魚

初霽梅雨紫苔綠荇小山曲渚丹魚飢矣搓得粉香半
黍向清波付與防池翠鳥輕沾羽雙鬟語種箇芭蕉
樹細數紅鱗小燕爭泥墜處惹雙雙遁去

河傳

第十四體

夜聽擣衣聲

溶溶白月環環紫蛻紛紛翠雪萬斛
脂瀉拚一色銀河擣清砧聲續絕
金魚鎖斷一似繁箏急又似愁螢
噎戍管梅花癡龍渴鳳孤飛怨涼蟾
星欲摘

七娘子

寄訊

海棠嬌影垂楊線杜鵑啼怨流鶯
轉情語題箋芳容題

扇春風吹損芙蓉面
唇珠懶上紅笙宴
眉烟淡掩青
琴鈿楚楚堪憐
僊僊堪怨迎風手
執花枝顫

中調

蝶戀花

書相如傳後

相如不過書生耳
爭似文君羸透
奇男子却自琴心通
綠綺飄飄賦就
凌雲氣不是題橋
雄蜀水財守王孫
埋沒文人矣
薄倖茂陵生
兩意白頭吟
罷相如死

攤破醜奴兒

小語脂香襲

幽歡久待蘭缸飲
嬾繡鴛鴦嬾說鴛鴦
舌唾酣紅淡海
棠知麼微怒也問檀郎
含嬌半晌纔私語
輕度丁香
輕啣丁香秘密風情在畫
廂知麼微笑也問檀郎

蘇幕遮

第二體

丙戌過南曲作

沈真真蘇小小舊日知名今日餘多少
花史新編誰氏

了為問青衣可有迦陵鳥 閉門羹護門草碧瑣紅橋
未許何郎到流水無聲長自遶幾朵芙蓉獨耐秋霜老
迦陵鳥西方傳言之鳥閉門羹唐妓史鳳以
却下等客護門草出常山人過者則叱之

答索香

鵲爐溫龍餅熟小盒緘來中有雙銀葉慢火應將心字
炙化作鴛鴦烟裏隨風結 向花陰燈影滅再解羅巾
猶剩沉檀屑荀令薰香香未徹寄語紅樓莫放餘烟歇
青杏兒

咏繡

小閣颺微颺繡床畔滌爪來遲研綾光照薔薇架纔翻
舊譜重臨新樣又劈鮮絲無語正凝思雙菡萏何事
連枝關情曲曲盤金縷偷窺半面慵擡纖手斜露雙綦

青玉案

答索鏡

紫珍隨月清波滿應與嫦娥為伴樂昌何事常分半紅
潮一派黛山兩點人在瀟湘畔翻看底下鴛鴦款雙

鵲鑄戲將金滿珍重繡囊綵組短簫郎照後韋娘藏起
長貯香奩暖

三奠子

偶憶

憶玉蘭花下初見芳蹤眉欲語意纔通衣香清更馥膚
彩瘦偏豐人悄悄雨濛濛正相逢 熒熒面的窈窕趺
弓蛾黛蹙臉朱融柔鄉多懊惱佳會易怔忡長記取裙
上淚石榴紅

千秋歲

和初子逐妾詞

花檀方拍花淚頻頻滴紫釵賣烏絲裂玉環悲蜀道銅
雀欺孫策東風逆二喬應作漳臺客三秋如一日九
曲迴腸結空自把韶華擲本非司馬竊難對虞侯說淒
涼夜舉杯自懺當頭月

又

歡歡無計權且相迴避只一念應牢記柳眉休更感萋

手應還膩堪悲是金尊難下平原醴
憶昔多驚悸歡會非容易難忘却當初意
原慙金谷主空學廬江吏伊去後淚痕又把紅綃寄

西施

第二體

為阮亭賦余氏女子繡浣紗圖

阮亭原唱浣溪紗

靈芸十五鬢如鴉鉞絕寫西家捧心眉
曠處粉面映溪花試問苧蘿石畔無雙艷
何事浣春紗 梧宮葉落珠簾下猶聞神女堪誇
誰信道五湖烟水泛輕槎待想玉

床醉倚嬌無力閣繡暈明霞

阮亭原詞針神十五鬢堆
鴉越兵入吳見爽光在宮

樹下疑為神
女見越絕書

隔簾聽

立夏日雨

何事欺花賺柳恨煞春難住幾層烟霧空濛處恰盼到
昏黃瀟瀟神雨纔做暖又輕寒夢中九十還重數黃
蜂紫蝶浪向荼蘼舞春歸百計尋春補織盡冰絲斷腸
千縷渾無語道春這真回去

神雨出
尸子

祝英臺近

旅懷用商文毅韻

樹森森波淼淼回首京華路無限離情趙數聲鳴櫓遙
看一片黃雲兩行綠樹遮斷却故鄉來處無情緒誰
念寥落天涯杯酒和風雨夢去愁來消息渾無據便教
兩字平安三千里外怎博得夜深私語

山亭柳

咏隋堤新柳

紋澌微流正萬縷初柔垂綺苑映妝樓此日藏烏多少
他時繫馬遲留漸漸綠深黃淺一帶烟浮 花花絮絮
雷塘路風風雨雨到邗溝初學舞慣含愁遠恨能傳玉
笛輕寒乍到紅篝最是長條牽惹人在蘭舟

紅林擒近

為錢山銘題琴瑟圖小影

散髮伊誰氏琴心秋水間雁柱颯然動錦瑟暗相憐鼓
罷湘靈妙曲一絃一柱華年博山香裊微烟義甲動春

纖纖撫操衆山響箕踞對嬋娟白頭綠綺明璫長袖翩
翻便風前相倚花前對整無語能將心事傳

踏青游

本意用蘇子瞻贈妓崔廿四韻

約伴尋春何處玉鈎斜畔暗數道畫橋廿四向芳郊酒
帘畔聽流水歌聲美纔過橋頭十五小蘇家鈿箏斜倚
花雨霏微紛紛海棠園裏喚流鶯欲留無計待消泛
銀船腸斷鴛鴦被鮫綃拭殘淚長記酒頭茶尾

張喬詩
城鎖東

風十五橋唐人有咏小蘇家
詩張泌詩鈿箏斜倚畫屏曲

最高樓

丁亥答文友楚中寄詞

離愁處碧樹正蒼茫伊人又一方君譜茶經攜瓦鈔我
修花史坐琴牀玳樓中金彈處可能忘他生撇不下
鴛池被今生趨不上鮫盤淚楊柳下泛歸航借得世情
消酒甕拾將奇字襯詩囊喚風姨招月姊伴雲窗

滿路花

偶賦用弇州春遊韻

巫雲駐影紅湘水留痕綠好腰偏綽約輕紈束橫波一點占斷千行玉繡簾纔半揭那許消魂烟朝月夕偷宿相逢瞥眼便是相看熟避人歸僻徑青蛾感金蟬小整風動驚銀竹重到迴廊曲細暈紅潮恰如初醉醺醺蕙蘭芳引

咏宋團扇畫松石和文友韻

團扇流連鏤滑月影娥池小費尺素裁來襟袖好風偏

香皺石枯松研罨畫上林承詔想胭脂脫盡宜對昭陽
人悄 吳帶當風曹衣出水寫生空表只禁本生綃淡
墨寒烟圍繞莫教持比黃筌花鳥想袖來頻向荷涼輕
香

簇水

問侍兒月上花稍幾許

從此閨中便應添箇司更婢海棠低亞爭忍看寸陰兒
戲昨夜蓉箋傳語刻在心頭記應并着侍兒經意 月

上矣又聽得城頭畫角莫併入三更未花神證據乞致
與姁娥意鑒我小窗歡約莫便糊塗裏郎來也應放姁
娥避

玉人歌

春暮

春欲去看窗外櫻桃離離滿樹濕烟生碧澹蕩飄紅雨
鬧花百舌花無語待喚春陰住最難拚千丈遊絲一簾
飛絮暗把韶光數恨陣陣東風將春壓暮長下蝦鬚

留取最深處蝶爭鬚葉蜂爭蕊總被多情誤趁榆錢買
斷送春歸路

魚遊春水

感憶

十五盈盈小投鈿盒心烟繚繞流連辛苦不道佳期竟
杳蘿蕪巷裏人何在豈蕊花中春已老淚落天涯斷腸
多少極目年年芳草間繡閣玉蛾不掃何事尺素傳
來征鴻悄悄側側輕寒白日過濛濛細雨黃昏早酒醒

更闌數聲啼鳥

宣清

春盡日偶效柳屯田體

冉冉今何日
剩東風柳外吹來簾縫憶
清明倚盡簫聲
恨黃昏選殘香夢迷却來時
斷伊歸路不教輕送情旂
旖影朦朧點點落紅心動
燕子銜將鳩兒喚却漸博
濃陰重看架外薔薇恁偏嬌
橫玉人暗中低誦留得紅
顏便春歸惜他何用

古詩玉簫倚聲
譜寶枕選夢圖

絳都春

第一體

咏蒲萄

離離瑩綴見粉淡欲勻紅輕疑墜綠葉重陰引蔓分枝
恰璇帳綃宮鮫女垂珠淚正是藥欄烟霽纔提絲籠頻
牽素手半揎羅袂雙穗紺霜瓊露向白玉盤中紅羅
袖裏文園消渴冷甘乍解金莖味醒來何似涼州醉留
供繡佛幢前素珠百琲

龍上聲供去聲琲音珮蒲萄一名草龍珠帳李白詩紅羅袖裏

分明見白玉盤中看却無

十五家詞卷二十二

欽定四庫全書

十五家詞卷二十三

休寧孫默編

鄒祗謨麗農詞下

長調

滿江紅

已丑感述

滾滾紅塵哭秋風斜陽宮剝方悟得夜半深池人盲馬
瞎山鬼狐威帝以虎小人猿化妻於獺待陳情細訴與

天公淒涼煞 三里霧何時刮三月雨何時撒用不着

慈悲告伊菩薩老猾錢刀方作橫少年薑桂何能辣醉

狂肯擊柱亦徒然衝冠髮

婢推懶以猿為妻
化猿用竹書事

陽臺路

為阮亭題余氏女子繡高唐神女圖

阮亭唱巫
山一段雲

巫山夢浦蘭含綵照朝雲神女誰把纖穠長短寫出遷
延徐步宋玉當時瑋態瓌姿彩毫曾賦夢來去又搖珮
褰帷杳不知處 但見吳綾一幅繡無雙鴻驚鳳舉綵

縹吹烟香透繒雲絲雨只描到使君銀鈎小字斷腸千
縷大夫枕上依依夢魂誰主

圖上有繡阮亭自題神女賦中語

水調歌頭

中秋次東坡韻

何處吹蘆管雙劍倚長天銀河萬斛湔洗風景似當年
料得玳樓簾捲又怕玉人衣薄香裊夜珠寒破鏡銜團
扇寂寞小樓間 飄蝶夢驚鳥睡攪花眠剛道人間月
半天上月團圓我是前身金粟伊是今生玉女何事不

周全待駕青虬去仔細問嬋娟

塞垣春

初六日立秋歸舟偶和周清真韻

爽氣生蘭野飄細雨孤帆卸蟬聲曳樹燕飛掠水遠村
如畫便挑笙葵扇如遙也獨把烏絲揮灑怪金風初欲
動不禁悲秋重寫 驀憶鏡中人自來依繡閣幽雅多
病為閒愁怯初長此夜記來朝巧時良日初臨好排待

針樓下寄語歸期近向羅衣再把

七日謂之良日見風土志

天香 第二體

七夕偶憶

芍藥初開菖蒲難見曾向畫簾趨倚黛影依稀粉痕零
落別是一番情味香消酒冷筭只有好夢來睡分手紅
鵝邨畔銷魂碧雞坊裏迴思別愁似縷剛腸早被秋
眸繫料他紅綃滿把暗垂鰲淚一夜西風古道吹不透
相思萬千里卧看雙星銀河如水

紅鵝邨即雲礪邨是
義之換鵝處碧雞坊

薛濤
所居

夏初臨

本意

未雨梅天微風麥候薄寒乍散猶侵花信吹殘鶯雛却
啁新音尊前病起難任愛疎簾密簾清陰橙花香透榴
花火照庭院深深 玉人此際閒對雲屏纔拈斑管徐
理瑤琴吳綾嫌重輕羅初試神鍼釵煉浮金綰鴉翎又
揜犀簪漫沉吟莫題秋怨難解春心

長亭怨慢

七夕為立秋第二日

漸過盡鬱儀飛馭千頃瓊池一輪光素銀漢遙遙七襄
靈匹河邊住從來此夕再不見佳期悞天若少情時應
苦禁天孫年年暗渡看蟾閒兔寂算只羿妻相妬纖
阿去也更不許鳳晨鸞暮恨昨宵青女初來便明夜黃
姑無主最腸斷人間留得歌鉞殘縷

揚州慢

廣陵送孫無言歸黃山

白嶽移文黃山招隱問君何不歸哉便石床丹竈盡冷落蒼苔憶昔日軒轅鑄鼎容成採藥剩有高臺況山中猿鶴思君何必徘徊揚州城郭嘆年年紫陌黃埃縱文選樓高竹西路好日踏千回三十六峰猶在白雲下洞壑湏開向山靈寄語十年清夢歸來

黃河清慢

阮亭招觀競渡竟日即席同方坦菴樓岡邵村
唐耕塢諸先生分賦用晁次膺韻

官閣晝冷初歇雨正逢令節重五梔子榴花齊放香消
清暑為弔靈均作賦恰隨處歲時荆楚年年繡鷁朱旗
最難逢酒龍詩虎 僧彌年少多才况佐節揚州風流
霞舉拾艾採蘭多少鵠儔鴻侶看盡魚龍曼衍舞回鵲
歌殘白苧留髡送客便日落莫催津鼓

津鼓客行鼓也
古詩日落聞津

鼓

燕山亭

咏漢宮秋用宋道君見杏花作韻

青女初裁素縠長門冷落金莖注只有麗娟琥珀纓裾
艷絕披香藥女瑤圃葩芳更掩映錦雲珠雨辛苦見婉
約朱欄不禁幽暮便是淚染靈芸着紅玉壺中向人
如語千絲鐵網百寶流蘇傍他海棠何處留待深秋恐
化作晚霞歸去難據把金剪甚時重做

漢宮秋草花也
一名剪秋紗

長相思慢

和片玉詞

南浦依依西墻漠漠好夢初透蘭旌香珍竊去藥裏偷

來易喜易恨多驚午夢初醒早空房簾影飛動初螢羅
襪痕輕蹈香堦獨吠疑聽從別後良宵長自低巾掩
袖懊惱多情秋河不動暮雨難期孤負雙成金猊火盡
剩篆烟一縷孤縈便淺嫌密妬難忘嘉盟

忘去聲

催雪

春雪咏海棠

窈渺珠簾微茫寶鏡彷彿綃宮錦地便湘水無波壓殘
蘭葉恰見素面凝妝只粉痕一線垂紅淚梅花魂冷梨

花夢斷雲屏深閉 何事臨瓊砌但消受東君幽情寒
思還領却艷陽爭些春意素手喜拈絳蠟畏珠箔風侵
迴繡被應漸傳艷雪枝頭留作晚霞凝睇

閨怨無悶

姚夫人仲淑畫雙青圖遺內子代題謝

文采風流試問今日謝雪衛書誰敵想姊視道昇兄承
公擇揮灑淇園千畝把湘妃遠翠歸珠墨看瘦影便覺
蒼風淡月細香吹碧 清極寫鵝溪揮百尺洗盡繡帟

脂粉黃樓屏幃翠筠高節想有坡公能識識釵股丁香

舊標格須留供繡佛幢前維摩天女能惜

道昇趙松雪
管夫人名及

李公擇妹俱善畫竹黃樓屏幃文
湖州女所臨釵股丁香見竹譜

渡江雲

昔年情緒

昔年情緒憶綠窗調笑細語愛吳儂流蘇微響處自忖
風流人在畫屏中閒聽戍角聲聲響淚滴銅龍恨當初
並肩花底衫映石榴紅 匆匆一時分手別意如烟剩

酒痕花血儘思量羅襦半解寶髻微鬆魚函新疊迴文
字應還仗一點輕鴻銷魂地難忘雲樹葱蘢

絳都春

第二體

咏白秋海棠

素秋飈冷正影娥池畔紅衣初謝思婦芳魂怨女幽情
鴛鴦社斷腸不向西風嫁最喜近瑤臺清夜娥眉淡掃
不施脂粉號姨妖冶難借塗黃暈碧似素馨品格暗
香飄麝斜倚銀墻獨撫冰絃圓蟾挂訴離恨望夫石下

鮫珠灑玉盤傾瀉最憐獨自亭亭雨簷霜榭

秋海棠一名斷腸花

是思婦所變又云
怨女淚染所成

換巢鸞鳳

別意

人為愁嬌見風迴紫曲月落紅橋有心催雀舫無意聽
鶯簫千行楊柳舞蠻腰銷魂堤畔魂斷重銷渾無語算
只有雙星私照悄悄波浩渺一點檀心化作如烟抱
書密偷看扇低重掩留下烏絲行草天許吳儂得重來

匆匆那怕徐娘老山長水遠離情無限誰曉

夜合花

本意

紫曲粘雲綠窗引月又聞香滿中庭檀心乍點鮫綃試
著猶輕烟初散露方零傍雕闌吹徹瑤笙銷魂此際何
郎剩粉荀令餘馨夜闌斗轉珠繩漸覺燭花影裡微
醉初醒風流解語寧教有恨無情拈芳蕊愛佳名忍折
來供向瑤餅須教夜如花作伴不負雙星

曲遊春

咏蝶

柳腴花瘦日正綠烟如水紅雨成逕栩栩飛來見尋香
覓艷輕狂不定乍遇微風起又依却苔鬚欲凝前身香
國翩翹應知好夢難醒悵好多情成性向繡幕晶簾
時弄雙影占盡芳辰只燕昏鶯曉江南佳景長博雙蛾
喜簇繡處百花恰稱不道粉褪香殘誤人薄倖

看花迴

咏落花用周清真韻

寒香散霧初暖輕塵靈潔又見蜂忙鶯懶將恨綺愁羅
遊絲千結綠窗人惜小步和苔金縷滑吹散處絲障重
重一春如夢風流絕何事與勾雲倚月隨清賞莫孤
佳節舊日徐娘姿態只半面殘妝輕蟬如髮賒晴買夜
一點春光休損折五更風三更雨慣作傷心別

月當廳

秋夜聞蟋蟀聲

小窗烟雨冥冥響颼颼吹墜落葉空庭急杵浮砧淒淒
石竹牆陰偏與愁人作楚細思量甚事恰關卿無端似
空床泣恨斷軫傳情 年年慣做西風伴隱荒苔啼殘
青穗餘燈哀笳遠笛飛來何處秋聲二十五番寒照靜
聽清鉦歷歷嚴更偏怨汝叫迴孤夢短髮星星

瑞雪濃慢

廣陵邸中寄示閨人

九秋挽帶三春判袂纔信別離容易玉簪恩重金鴨香

濃靚妝依約在臂去年此日梁鴻溪畔絳紗初繫便廣
陵聽吹簫明月忍看佳麗月中情花下淚幾迴難說
向人前寄繡床停剪錦字裁綃空懊黯婁夫壻眉間眼
底感新愁還教暗避歸來親搵啼痕道伊備細

翠樓吟

有贈用姜白石韻

畫扇歌樓玉鞭酒市氤氲金屋初賜覓取銷魂處聽柳
外旗亭清吹銀牆遙峙見汗粉粘紅眉痕疊翠真神麗

筵前私語流鶯聲細
謝客花徑歸來任吹簫飛盡
伊調戲更深憐密喚怕回首吳儂千里杜郎風味愛寶
萼知名御香聞氣瀟瀟雨愁霖泪眼甚時同霽

倒犯

咏白鸚鵡

風澹艷霜蟾乍圓森森銀竹何來靈族翩翾處清喉簫
續玉孫珠袷少婦鮫綃輝雲屋露冷水晶屏烟煖藍田
玉近雕簾舞丹足
慧性神姿那數雕籠雪衣名擅獨

斷舌叨叨語迴素
吭隨佳囑初教與相思
曲更蟬窗不受金環辱
料不夜珠邊長傍冰壺
浴照寒波影綠

石州慢

用高季迪韻

猛憶晶簾攜手數
番鮫珠頻灑東風吹斷一宵歸夢
荀幄把斷酒除詩
忍教孤負相思遊絲千尺偏沾
菴瓦起舊花箋把離愁重寫
豔冶當年分手香鴨爐頭紫
鳬屏下曾記綠籤暗數金錢私打
幾回目斷此日花發

長安料應遙策春堤馬懊惱看征衫又蕭蕭歸也

戀芳春慢

咏草

巫雨朝飛湘烟暮壓落花着地猶新閨中陌上到處欲
斷還勻搖蕩春風形影連繡戶翠接無痕寒食近繡蓋
金鞍偏汝暗賺游人相思溪上斷紅約月合歡塚上

怨綠粘雲楚楚娟娟多少蝶夢蜂魂又見犀奩賭勝佳
名誰不愛王孫斜陽處寶屨初迴餘香猶染湘裙

楚詞
王孫

芳草

南浦

為阮亭題余氏女子繡洛神圖

阮亭原唱
解珮令

環姿艷逸着霧綃雲縠是何人但見凌波微步羅襪自
生塵手把明珠翠羽向芝田蘅館啟朱唇却含辭未吐
明眸轉盼暗識洛靈甄當日枕遺玉鏤令陳王耿耿
暗消魂繡出神光離合浮動素綾紋想挑鸞彩鸞期近
便繡鳳繡虎才分縱宓妃重遇魏宮今日重鉞神

金盞子

咏金錢花

碧瑣空屏雲母涼
魚鰕烟繞深院紅
藥乍驚秋人歸杳
朱欄花信香淺便教卜盡五銖剩青蚨未轉窗前看疑
是沈郎遺來丹紋翠掩猶記雕櫳倦絳蠟下纖手擲
紅么金緋絢賭勝處將花選玉人那愛鸞鈿只教綵貫

同心珮宜男珠串金風冷留買一線斜陽怎看秋賤

吳興

沈充鑄錢名沈郎錢梁魚弘令諸侍妾以金錢賭勝不足者以花補之得花者謂勝得錢梁武帝鑄女錢

男錢佩男錢者
主宜男見南史

綺羅香

廣陵阮亭署中酬趙千門見贈原韻

菜子傳聲洪都佐節爭羨玉珂珠勒高閣重臨秋水長
天一色看鶯花繡斧初橫憶鱸膾綠帆懸直怪柴桑早
賦歸來春盡聽杜鵑鳴北 烏臺三月追隨記全車驂
乘齊名交逼把酒高歌莫嘆片時戢翼任猿臂醉尉相
呵總虎頭封侯不易最難是知己重逢把平原綵刻千門

時以南昌司

李謫官回

安平樂慢

元旦瑞雪擬宋人應制

甲帳雲開辛盤早薦天門曙色瞳矐火城隊散仙琯音
迴浮浮奕奕連空舞絮飄花看瓊枝四照碧海遙通飛
素滿天中御香繚繞烟融便黃竹歌傳綠醺酒賜遙
聞五老呼嵩佳氣連清禁紫皇新降葉珠宮萬戶千門
玉京畔羣玉玲瓏賦幽蘭謝莊衣上侍臣初試春風

眉嫵

本意

問誰家月裏是處雲邊初見遙山姣簾翼空青裏依稀
是楚峰十二初曉玉釵聲悄纔畫時一半慵掃縱消受
螺黛蛾黃也着些的煩惱飄渺輕烟微裊似張郎留
樣卓女遺稿柳葉雙尖鎖渾無語還將鸞鏡偷照相思
繚繞憑暗傳密意多少試描得鴛鴦成十樣知誰好十
樣

眉有鴛
鴦眉

瀟湘逢故人慢

為阮亭賦余氏女子繡柳殺傳書圖

用仄韻
阮亭原唱

望湘人

蘭堂遙裔見水珮風裳烟鬟霧髻尺幅傳幽意看涇水
愁人洞庭怨女斷翠斜紅搵不盡鮫綃珠淚只手把湘
沅雙魚感恨飲客偷寄剪痕輕綾影薄羨葉亂雲盤
神工密緻想低徊斜睇到貴主還宮書生仗義腸斷當
筵料此際更難迴避落繡後閒整鸞釵不覺金鍼暗墜

合歡帶

花燭辭

聽簫聲初下瑤京燭影裏望雙成黛隱猶疑山遠近畫
眉郎已到紅亭迢迢銀漏香塵暗度繡榻微明待來朝
細覷綠鬢雨膩絳靨霞清 鬟垂玉尊肩躡珠纓須知
最小盈盈按得綺魂搖颺處夢雲透薇帳吹輕今朝恰
是初開百歲蒲合三生看鴛鴦小閣燈花何如書幌藜

青

望遠行 第三體

蜀岡眺望懷古和阮亭韻

今年纔過清明節又見春風催暮酒
旗籬落畫舫笙歌都傍銷魂堤
樹金剝斜陽透得紅霞一抹望中綠
莎如許送韶華歲歲江南烟雨相語
屈指興亡多少只柳影鶯聲無數
殿脚三千橋頭十五斷却隋皇歸處
惟有醉翁幾闋髯公三過妝點平山
詞賦看騎鶴人來吹簫

人去

杜牧詩紅霞一抹廣陵春
歐蘇俱有平山堂詞蘇有三過平山堂下路之句

泛清波摘遍

為阮亭咏庭前金鯽

尋梅官閣問柳隋堤試問使君何所有種花栽竹皓月
清風對虛牖誰相耦悠然濠濮宛爾瀟湘雲夢胸中常
八九荇藻交橫魚鳥留連長嘯清晝還知否鼓鬣揚

鬣魚樂啞影啞香花覆誰識非我非魚海罟江罟消長
晝影動春雨綠添紋生晚霞紅皺那數西江尺鮒煦濡

升斗

擊梧桐

咏美人焦

青女驚蟬素娥辭燕又是華年在苒繡閣前依約見分明翠袖輕勻霞臉夜深幾度翩翩乍見紅玉臨風欲掩
十二珠樓腸斷秋風斗帳垂垂搖艷寶靨慵妝佳人

對鏡還把芳姿細驗誰問種自知名忍揉碎瑤翻香灩
絳樹清歌欲罷百首紅兒纔新賦又恰是兩三黃蝶映

丹朱一點

絳樹美人名善歌羅
虬有比紅兒詩百首

惜黃花慢

咏晚菊用吳夢窓韻

月珮烟裳伴窗紗猶識半面徐娘翠華嘉節來遲洛浦
紫雲新苑寵殿昭陽芳妍不逐秋風嫁塗嬌暈自整慵
妝老是鄉蘭膏照徹倒盡瑤觴 亭亭傲雨欺霜更艷
凌楓赤秀奪松黃避風臺上欲隨風舞辟寒帳畔偏透
寒香消魂簾捲人爭瘦阿嬌去金屋悲涼莫斷腸花神

獨許清狂

咏菊詩李嶠榮舒洛媛浦香汎野人杯李商隱紫雲新苑移花處松黃即松花也

憶瑤姬

偶讀惜分飛舊詞有感用史梅溪韻

十五年前事怨緒離紛
帶雨尋雲銀屏執手時
恨他生未卜別樣殷勤
空教惆悵珠簾難向南
樓種合昏最消魂一語
叮嚀銀環鈿盒淚痕新
斷腸菱鏡雙分嫩綠成
陰牧之枉煞尋春手持雙
苴菴想珮聲鬟影香染
羅巾小窗重展烏絲惟
有春寒瘦著人便重來
夢裡分明

何處覓湘君

著音着合昏樹名見庾信詩梁詩向鏡理紈巾

風流子

村居

村居三畝地東風暖無數暗陰遮見綠草方塘些些睡
鴨白楊廢圃點點歸鴉況牆外老藤方挂樹苦筍正抽
芽宜夏宜冬幾間茅屋半村半郭一帶人家 主人無
個事正覓甌酌酒瓦鉞煎茶更調樵青數輩自捕魚鰕
看拍手羣兒爭驅黃犢垂鬟小女笑插紅花只此閒中
日月暗度年華

霜飛葉

本意用周清真韻

烟生芳草斜陽外尺書可來天表空庭懶婦正心驚齊
女吟聲悄漸葉葉梧桐報曉銀床金井苔痕小見月浪
橫天又鸚鵡侵霜欲語簷花相照此際腸斷伊人西

風捲透一點夢魂難到情窓如雨滴愁聲動孤眠懷抱
似別院哀箏響急四絃撼撼離鸞調爭柰銅龍漏徹聽

過三更雁飛多少

懶婦蛩也
齊女蟬也

離別難

第二體

送蔣馭鹿遊建谿

越水吳山待扁舟，久矣棲遲只丈夫。
南北東西着征衫，何必贈將離應祇有奇字盈囊虎。
跳龍卧落紙爭飛過，巖灘為訪富春舊跡重上釣魚磯。
雲冉冉草萋萋，憶臨岐秋士休悲聽武夷幔亭仙樂便驂鸞。
梅福也相期，何況是到處逢迎天涯知己斫鱸銜杯懷故苑。
暢好荔枝未熟勸汝莫忘歸。

將離為藥也。跳平聲。建字有勝鸞渡傳為梅福乘鸞上昇過此。

透碧霄

同阮亭飲吳陵宮紫懸先輩小西湖

飲金舟人生何處可言愁氣清天朗蘭亭梓澤好向遲
留碧波數頃綠陰千樹風景如秋對雙雙鸕鶿沉浮又
橋迴路轉藥欄映石漁艇隨流況使君文采角巾短
屐鶴蓋任颺悠且一飲千杯隔林蟬唱晚風柔筦絃綵
竹左徒芳園中散良游念西陵何似吳州把六橋花柳
三竺雲烟長憶秦樓

文選紛颺悠以容曳指旌旗之狀
秦州一名吳州秦樓在西湖濱

玉山枕

咏白鸚鵡

花影蘭砌碧天淨薰風起乍看皓質又聞嬌語雲母屏
前綃幃堪倚玉容冰骨自瑤池暫謫向人間游戲想沉
香亭畔當年舞霓裳只雪衣相對素馨香冷鮫人珮
犀簾外歌喉細紅牙聲靜綠鬟影動詩句清新好教長
記黃冠乍吐暈檀心更不數翩翩丹翠便花田珠網攜
來傍雕闌向梨花閒睡

蘇武慢

述懷和樂子尹韻

九點齊州兩丸明鏡南北東西萬里吹簫吳市賣藥咸
陽有個英雄在裏三千粉黛百萬樗蒲笑殺庸庸餘子
問書生肯向商山謾學餐芝黃綺便教他躍馬中原
揮毫內殿爭羨風流名士奴衣火浣婢捧香囊上客橫
拖珠履肘後黃金腰間白玉消得十年悲喜到歸來細
數繁華不過夢中而已

輪臺子

雨後訪早桂限車遮韻

幾日新寒乍到看滿砌海棠幽冶待教選勝尋芳是處
畫簷雕榭小山瓊樹初開暈檀心漸覺飄珠麝輕烟歇
雨更冷露無聲飆飆射飄飄金粟前身又誰倩虎頭
妙寫攬僊芳待踏遍銀蟾好酬良夜怕嬌額塗黃智瓊
妝卸便金屋攜來不許狂蜂惹愛芳姿風流蘊藉問何
時重染天香向廣寒宮借

魏鶴山咏桂詩虎頭點點開
金粟以顧虎頭善畫金粟佛

也古詩智瓊類黃且勿
誇眼前見此風流施

沁園春

偶興和阮亭韻

第二句平仄
用黃機體

曾憶當年縱橫意氣調笑風流向紫宮曾吟金丸翠被
錦鞋曾賦碧纔細鉤賭折搔頭敲殘如意鄒衍高談大
九州都休問願拜南柯守封酒泉侯年來自愛清酬
待嘯月吟風烟際浮便五湖遍泛策非范蠡一邱自足
客有羊求詩酒逃名漁樵混跡何異衣魚與食鷗人爭

羨說延陵道上又見披裘

碧鱗鮒釣溫飛卿錦鞋賦中語羅含云雖欣清酬未喻乃

懷山海經懸股之國衣魚食鵬披裘公本吾邑延陵人

又

我欲從之置酒西園較射南岡只撚鬚搖膝人稱慧業
蓬頭散髮自許清狂跂脚北窗行吟東郭男子何須志
四方逍遙處問眼前悲喜何必張皇怕教鬢髮蒼浪
且隨分新詞賦幾章便支硎山內談莊放鶴金華道上
叱石成羊靈運生天淮南好道天地梨園一戲場他年

志待布黃金地求白雲鄉

語林邱明士蓬頭散髮白樂天詩鬢髮蒼浪牙齒疎支硎

山用支道林事金

華道用黃初平事

八歸

行石封山中小憇見村姬焙茶偶味

翠靄朝經紅雲晝暖石乳玉苔乍茁斑筠初織青絲籠

恰是吳姬相約春纖齊擷香刺蒙蒙沾綴露應摘盡金

蕾珠藥攜輕篋帶笑歸來衣染暗香絕却早柴扉半

掩紅泉初汲中婦拍茶纔歇蒸凝青瓊焙來綠髓製就

些些雀舌看雲鬟影動幽意引奇芬初洩倦文園自來

消渴仙掌分嘗甕甌斟澗雪

凝去聲金甕珠蘂茶芽也見清虛子陸龜蒙詩尋來

青霽曙欲去紅雲暖又青瓊燕後凝綠
髓炊米光又中婦拍茶歇仙人掌茶名

集賢賓

偶簡舊寄詞有感和柳屯田韻

重簾小閣關心事綠遍萱叢舊時相逢未嫁冷落金蟲
去後千迴夢憶重逢瞥見姿容人間辛苦都嘗遍燈前
擁髻愁濃算只玉釵恩重留結表心同年來敢道宋

家東何計決芳悰悔教端陽一別直恁匆匆玉冷環留
脆碧香消枕膩殘紅縱眼前有人歡笑纔回首便自忡
忡腸斷蕭娘一紙何必怨君終

留結句用
會真詩

賀新郎

席上被酒和阮亭韻

短髮愁千縷誰認得平生蕭瑟沉鱗羈羽忽發狂言驚
滿座浪說目成眉語但記取拓枝白苧送客留髡傾一
石縱三更且聽吳歎去吾明日焚書舞新聲回鵲傳

三部鐵如意唾壺敲缺低昂擊鼓何事干卿春水皺漫
道齊名韋扈最難得忘形賓主二十四橋尋小杜報平

安書記今何許新月上桐初乳

韓詩北極有羈羽而溟有潛鱗王壽焚書而舞

見淮南子鐵如意二句用王處仲事韋莊扈處辰俱以小詞著名蜀中報書記平安用牛僧孺待杜牧之
事庚信詩
桐垂細乳

鳳歸雲

偶作

吾老矣去日光陰那堪屈指任俠疎狂蹴鞠擣不癡

不慧無才無技況生來本磨蝎為宮窮鼯學計問人生
何處堪出世應有淡月微風剩山殘水還自去守我
良方鑽他故紙不過是一卷離騷幾葉楞嚴破除萬事
頽然坐廢曾消受得蠻觸功名邯鄲滋味而今後拚得
無縈繫永教毀硯焚書漁樵同醉

洞仙歌

中秋訪舊不遇和柳屯田韻

從別後千迴夢憶何處琴挑香惹記小語憐惜芳姿俊

雅紅潮微醉金蟬亞褰繡幔認得雨嬌雲姹便一刻算
作百年聲價清暇長迴首綠屏深曲輕啼淺笑頓覺
鴛被生寒總負鮫珠頻灑白頭吟就偏驚訝更細數盟
言織就迴文重寫那便得眼前玉人如畫素娥幽冶忍
使夢遊拋捨梧桐下寸心斗酒爭芳夜

末句用劉妙
客宛轉歌

夏雲峯 第二體

秋雨感懷用僧仲殊傷春韻

書幌長清簾衣漸裏火罷爐灰生暈小山畔桂花遲放

曲欄外海棠偏嫩愛青莧栽滿菖蒲恰稱得幽人碎愁
零恨怪滿耳蛩聲淒淒切切叫得雄心都盡病入悲

秋渾未損況劍寂琴虛二毛偏近答賓戲支離自笑送

窮鬼揶揄誰問十年事偏上心頭便青鳥飛來總虛佳

信只賦號愁霖詩名苦雨權寄眼前孤悶

曹植應瑒陸雲俱有愁霖

賦杜甫有
苦雨詩

春風裊娜

本意用馮文子韻

問今年為底纔識春愁梅額淺柳腰柔傍妝臺試看團
圓玉照一絲新喜纔上眉頭金雀屏風紅珠斗帳試聽
東風黃栗留午夢膏騰慵醒處金蟲寶瑟倩誰收 又
是飛飛燕子穿簾拂幕坐雕梁對話難休紅作片錦成
毬空樓閒晝暗數綢繆千點飄來柳花烟起五銖用盡
榆莢星稠恨伊偏薄芳鎮教垂却銀蒜雙鉤

玉照鏡也
黃栗留即

黃鵲

翠羽吟

為阮亭賦庭前鸚鵡

官閣深濃樹陰修竹碧森森金鎖珠條鸞迴鳳峙吐青
音滿砌月生淥水一片雲寫青林正使君擁書高嘯脩
然坐對鳴琴 奇姿妙質振微吟麗容采采善解幽心
慣是得人憐惜充君戲玩風前舞翠衿相思秦隴停聲
不語蓮漏沉沉長傍湘簾好厭雕籠又憶飛岑夢醒清
怨難禁恐簷霜曉侵座中有客莫倚能題漫寫珍禽

謝莊

鸚鵡賦云月滿光于淥水雲寫影
于青林餘用補衡曹植賦中語

引駕行

深秋復有廣陵之行先簡寄阮亭羨門

官河楊柳隋苑鶯花竹西路是前人斷腸處年年長憶
烟蕪吾徒燒蘭作燭裁詩擘錦東閣畔翠盤妙舞白苧
紅牙倒盡瓊蘇歌呼更清談揮塵回頭殘月落金鋪恰
又是離人欲別分手唱驪駒踟躕西園北里况教曾
醉當壚想芙蓉叢菊二分明月葉女花奴徐徐便十年
一夢贏得虛名薄倖無向平山重到還怕見衰草寒蒲

瓊蘇仙

酒名

西平樂

久雨中秋見月因憶去年虎阜勝遊用周清真
韻

亂雨分秋濃烟護晚望遠極目偏賒萬頃琉璃廣寒何
處浮雲捲盡還遮嘆楊柳為儂憔悴蟋蟀為儂悽戚催
寒幾陣西風空庭濕盡寒沙試問瓊樓瑤闕當此夕何
事使人嗟 嘯呼風伯招尋月姊挂魄飛來素影橫斜

從今願分餐玉屑長駕金樞更自左持歡伯右挾嬋娟
好待冰壺濯舜華迴憶芳時蘭舟同艤畫閣雙凭舞罷
霓裳景色溶溶教人好覓伊家

玉屑飯修月人所餐伏
酒賦理轡金樞歡伯酒

也嬋娟
月也

六醜

升菴易一名個儂

同周兼三小飲廣陵園亭因話西泠舊遊偶拈
周清真韻寄感

見春光又去腸斷處年年輕擲堤柳亂飄雙雙飛燕翼

掠波無跡只因狂
做病將顛賺醉遍
粉塘香國風流何
處尋釵澤浮白紅
樓踏青紫陌準擬
受他憐惜待挑燈
剪燭細語窗櫺
春心寂寂只唾花
袖碧眉葉鈿黃微
聞清息座中顧曲
佳客話舊遊蘇小
歡情何極更匆匆
絕纓歆憤誓今後
憐水憐山不過遠
山鑪側駕扁舟起
伊潮汐自思量
惟有淒涼夢一生
值得

釵澤出後漢書
馮衍傳韓偓詩

憐水更憐山
兩處總牽情

夜半樂

題元人畫韓熙載夜宴圖

當時江左風味玉笙吹徹天許清狂暇有北海韓郎才
名瀟灑玉鸞視草銅螭署勅更聞弟畜徐鉉客呼舒雅
行樂地歌舞爭蘭夜銅盤絳蠟耿耿芳樽細浪長鯨傾
瀉香霧暖滿堂玉人如畫宛轉搗絃激昂撾鼓沉沉月
隱花明魚脂飄爍交翠舄花冠暗中卸到此不覺纓
絕履遺良宵無價那羨南朝官僕射動君王恰贏得虎
頭偷寫看明月梅嶺岡前者謝公墩畔風流話

射去聲
熙載文

章與徐鉉齊名多蓄妓樂與客雜居以避相自污沒
後贈僕射諡文靖葬于梅嶺岡謝安墓側後主令顧
宏中至第中寫
夜宴圖進御

六州歌頭

戲作簡僮約効稼軒體

僮來語汝約法告而曹吾所命只數事汝毋驚記來朝
紅藥攔干畔縛棕箒摩苔石除菊蠹移蘭盎早須澆
庭際幾頭丹鯽戲蘋藻粉餌時調便間將短竹扶植美
人蕉彈雀驅臬莫逍遙宜勤應答捷趨走護書篋整詩

瓢燕几側博山內水沉燒火毋焦煮茶鐺頻熟候蟹眼
聽松濤吾無事痛飲酒讀離騷若有客來時候須滌
盞頻進香醪且抱琴吹笛長醉侶漁樵門掩無敲

寶鼎現

廣陵清明日賀天士邀同南郊小飲有贈用劉
須溪元夕詞韻

聯翩遊騎玉勒踏遍月樓烟市漫追尋雷塘繡瓦望青
帘杏花村底春一笑任羣鶯滿樹却與春光俱醉怎禁

輯倚聲集將成復得阮亭新詞并簡

憶青春年年花發碧堦新寂寞誰過倒來家醞自奇芬
尚難忘綺語拋殘口業負詩人當時紅牙翠羽揚柳外
暗自消魂銀管裁將雪兒唱徹風吹細語幽紛便優伶
周柳叱咤辛劉下筆如神此日情緒難分竹扉高掩
寂寞困琴樽猶自有華胥可到玉友相親更行波揮灑
十二龍賓吾甘落長貧孔方交絕管城相薄半通難
館青綸沈郎多病日賦成雌霓賴有王筠況是彈丸

脫手向金壺點汁走靈毓看來麗涌香氣枕邊鴻寶應
博佳人問斟玉瀝雙鯉傳蘭訊誦佳句曳霧牽雲好破
除碎恨閒顰怕十年心事到黃昏還須自懺新叅丹脩

長守金輪

樂名

天詩猶殘口業未拋詩玉友酒名衍波箋
龍賓墨神虎仄聲靈毓兔毫筆也丹禽道

書金輪

佛藏也

十五家詞卷二十三